

霞玉性紅一氣周流清淨體萬神齊會絳霄宮迴顏換質無衰

老開化人天正祖宗

請惠先生修殿

惠仙能辨古今文師曠深聞性不昏學我逍遙觀寶月願君猛烈斷根塵兩朝聖帝開仙路一舉玄科享道恩四大隨緣遊陸地闡揚清淨好家風

贈日照縣水車灌會眾

水車灌出道芽新漸吐靈光透紫宸二氣根元成造化滿天枝葉拂星辰玲瓏霞彩通三界踴躍圓明出六塵結就本來真面目因師開發悟全真

道藏輯要

雲光集

士

胃集九
四月四

贈安邱縣令

安邱山水最清明特感忘良治此城和睦人民天地喜豐收田斛廩倉盈因公正直無私曲是處歌歡樂太平助國愛民功就日好窮道德了前程

公姑問修行

公姑皆說道心濃不可奢華謾落空且悟真修忘彼我勿令外覓走西東氣神欲得朝元海猿馬須教鎖絳宮統攝羣魔無障礙逍遙自在了仙功

贈文山劉彥充王仁美興丹霞觀

彥充仁美名高明起建丹霞志轉新東海文山真古跡西秦師